



Broj: 08-07-1-131/07  
Sarajevo, 30.01.2008.godine

Na osnovu člana 13. stav 1. alineja 9. Zakona o ministarstvima i drugim organima uprave Bosne i Hercegovine ("Službeni glasnik BiH", br. 5/03) i člana 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01 i 42/03) Ministarstvo pravde Bosne i Hercegovine, rješavajući po zahtjevu Samostalnog sindikata državnih službenika i zaposlenika u Upravi za indirektno oporezivanje Bosne i Hercegovine iz Banja Luke, ulica Bana Lazarevića bb za upis u Registar udruženja, donosi

### RJEŠENJE

1. U Registar udruženja kod Ministarstva pravde Bosne i Hercegovine upisuje se udruženje pod nazivom:

Samostalni sindikat državnih službenika i zaposlenika u Upravi za indirektno oporezivanje Bosne i Hercegovine

Самостални синдикат државних службеника и запосленика у Управи за индиректно опорезивање Босне и Херцеговине

Samostalni sindikat državnih službenika i zaposlenika u Upravi za neizravno oporezivanje Bosne i Hercegovine

Sjedište Udruženja je u Banja Luci, ulica Bana Lazarevića bb.

2. Upis je izvršen pod registarskim brojem 658 knjiga I Registra sa danom 30.01.2008. godine.
3. Danom izdavanja ovog rješenja registrovano udruženje ima slobodu djelovanja na cijelom području Bosne i Hercegovine i u obavljanju svoje djelatnosti može upotrebljavati isključivo svoj registrovani naziv.
4. Ciljevi udruženja su: zaštita prava iz radnog odnosa državnih službenika i zaposlenika u Upravi za indirektno oporezivanje Bosne i Hercegovine, te ostvarivanje i zaštita drugih prava i interesa članstva Sindikata, rješavanje problema za radno - pravni status koje imaju članovi Sindikata i traženje odgovarajućih rješenja, postizanje realne cijene rada za sve zaposlene u Upravi za indirektno oporezivanje BiH, zalaganje za poboljšanje i jedinstveno demokratsko uređenje radnog i socijalnog prava i druge odnose koji uređuju radne odnose i pitanja vezana za život i rad državnih službenika i zaposlenika u Upravi za indirektno oporezivanje BiH, osiguranje preduslova za slobodno sindikalno djelovanje, obezbjeđenje besplatne pravne zaštite za članove Sindikata, pružanje pravne pomoći iz oblasti radnih odnosa, učešće u disciplinskim postupcima protiv članova Sindikata, kontinuirano djelovanje u cilju obezbjeđivanja odgovarajućih uslova rada, iniciranje i učestvovanje u pripremi i predlaganju zakona i podzakonskih akata, koji regulišu radno - pravni status, kao i prava i obaveze zaposlenih u Upravi za indirektno oporezivanje Bosne i Hercegovine, iniciranje i učestvovanje u pripremi i zaključivanju kolektivnog ugovora, podsticanje saradnje radi

stručnog usavršavanja, organizovanje edukativnih i stručnih savjetovanja i seminara za članove Sindikata kao i drugih oblika usavršavanja, ostvarivanje razmjene iskustava i informacija sa drugim srodnim asocijacijama, pružanje materijalne pomoći članstvu Sindikata, formiranje fondova solidarnosti, stambenih, štedno – kreditnih i zadruga sindikalnog standarda.

5. Lice ovlašteno za zastupanje i predstavljanje je predsjednik sindikata Mehmedalija Osmić iz Puračića, ulica Sarajevska broj 54.
6. Udruženje je dužno u roku od 30 dana od dana nastupanja promjene u Registar iz člana 33. tačka 1. pod c); d); e); i f) Zakona o udruženjima i fondacijama Bosne i Hercegovine, Ministarstvu pravde Bosne i Hercegovine podnijeti zahtjev za upis tih promjena u Registar udruženja.

### Obrazloženje

Samostalni sindikat državnih službenika i zaposlenika u Upravi za indirektno oporezivanje Bosne i Hercegovine iz Banja Luke je dana 19.09.2007. godine podnio zahtjev za upis u Registar udruženja kod Ministarstva pravde Bosne i Hercegovine.

Uz zahtjev za upis u Registar udruženja priložen je Osnivački akt sa potpisom svih osnivača, Statut udruženja, Odluka o imenovanju lica ovlaštenog za zastupanje, ovjeren potpis lica ovlaštenog za zastupanje i ovjerena fotokopija lične karte, Odluka o imenovanju članova Upravnog odbora, sa potpisima svih članova Upravnog odbora udruženja, podaci o strukturi kapitala udruženja i ovjerene fotokopije ličnih karata osnivača.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", broj: 9/02) za upis navedenog udruženja u Registar Ministarstva.

Iz izloženog riješeno je kao u dispozitivu.

Na ovo rješenje naplaćena je administrativna taksa u iznosu od 50,00 KM u skladu sa članom 29. stav a. navedenog pravilnika.

#### Pouka o pravnom lijeku:

Protiv ovog rješenja može se uložiti žalba Komisiji za žalbe u roku od 15 dana od dana prijema istog.

Žalba se podnosi putem ovog Ministarstva u tri primjerka.



Dostavljeno:

- Udruženju;
- Zbirka isprava;
- «Službeni glasnik BiH».